



Genaab koom soob sifa

Yii a Maymuuna nengẽ, sãn yaa muumin-rãmbã ma wã, (Wënd yard be a yĩnga), a yeelame: M ruġla Nabiyaamã ko-soodem (Wënd puusg la A tulgr be a yĩnga) n lud-a ne fuugu, t'a kiig koomã a nus a yiibã, n pek nus a yiibã, rẽ poorẽ a rik a ritg nugã n kiig koomã a goabgẽ wã n pek a taorã, n rik a nugã n wẽ Tẽngã n saag a nugã ne Tẽngã, n pek-a, rẽ poorẽ t'a wugs a noorã la a fẽes a yoorã, la a pek a nengã la a kãntus a yiibã, rẽ poorẽ t'a kiig a zugã koomã, n widem a yĩngã fãa ne koomã, rẽ poorẽ t'a lak bilfu n pek a na-tagdi wã, ti mam kõ-a fuugu, t'a ka reeg ye, n leege, ti yẽnda yaa sãn yẽes koomã a yĩngẽ wã ne a nus a yiibã.

[Naşun Şahıhın (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

A Maymuuna, sãn yaa muumin-rãmbã ma wã, kõta kibare (Wënd yard be a yĩnga), Nabiyaamã (Wënd puusg la A tulgr be a yĩnga) koomã soob bilgri, t'a sã n na n so Genaaba, ne a Maymuuna sãn tẽneg koom sãn na yil t'a so, la a lud-a-la ne fu-roogo, ti Nabiyaamã (Wënd puusg la A tulgr be a yĩnga) maan sãn watã: Rëenem: a kiiga koomã a nus a yiibã pugẽ, n pek nus a yiibã, taor t'a na n ka tum-b laokã pugẽ ye. Yiib soaba: a kiiga koomã ne ritgã a goabgã zugu, n pek a taorã; ti yaa sãn na n yilg taorã n yi bũmb ning sãn tablg beenẽ, sãn yaa Genaabã. Tãab soaba: a wẽ a nugã ne Tẽngã n saag Tẽngã, rẽ poorẽ t'a pek-a, sãn na yil n yiis rëgdã sãn be nugẽ wã. Naas soaba: a wugs a noorã, ne a sãn na n këes koomã a noorẽ wã, n wugsi, rẽ poorẽ t'a furs-a, la a fẽes a yoorã, ne a sãn na n këes koomã a yoorẽ wã n fõogẽ rẽ poorẽ t'a yiis-a, ti yaa sãn na n yilg rëgdã. Nu soaba: a pek a nengã la a kãntus a yiibã. Yoob soaba: a kiiga koomã a zugẽ wã. Yopoe soaba: a kiiga koomã a yĩngã fãa sãn ketã. Nii soaba: a toema zĩigã n pek a na-tagdi wã, bala a rag n ka pek-b ye. Rẽ poorẽ a waa ne peende, sãn na yil t'a ru a yĩnga, la a ka reeg ye, n kell n saagd koomã a yĩngẽ wã n yẽesd ne a nugã.

<https://sunnah.global/hadeeth/mos/show/3310>

